

REMITIDO

Antiyas a ser forza hun-
tr den un colonia di
Hulanda contra nan bolun-
tas. Hulanda a usa Curacao
como e capital for di unda
el a goberna e islanan 300
año largo. Pero dia cu nos
constitucion a keda
compone, nan a realiza cu
ta un crimen pa nan sigui
obliga e islanan di keda
hunto bao di un Gobierno
contra nan voluntad. Ta
pesey cu nan a buta e
articulonan cu ta duna
cada isla e derecho di
autodeterminacion den
nos constitucion.

Decenas di añanan pasa
y tur politiconan cu a bin
a bay acepta e constitu-
cion manera e ta.

Recientemente a
lanta un movementona
Curacao cu tin un ideolo-
gia anticristian y anti-

democratico. E lider di e
movimiento aki a dicidi di
drenta e arena politico cu
e ambicion di kibra e
garantia di libertad cu nos
constitucion ta brinda nos.

E ta lucha furiosamente
pa elimina e derecho di
autodeterminacion cu ta
hancra den nos constitu-
cion. Segun mi ta dicta-
dornan comunista so sa eli-
mina e derecho ariba liber-
tad cu pueblonan a haya
for di Dios. Mira noma
con Rusia ta aplasta liber-
tad di e Pueblo Afgano.

Nacionnan grandi sa
uni hunto pa haya mas
forza, pero nunca entre-
gando nan soberania.
Semper nan ta keda man-
tne e derecho di sali
afor ora cu nan kier.

E movimiento di
Curacao ta un cuchio di

UN CRIMEN CONTRA NOS CONSTITUCION

dos banda. Di un banda
nan ta promete nos cosnan
bunita sin cu nan por ga-
rantiza nos cu e promesa-
nan ey lo ser cumpli.
Y di otro banda nan ta
opone nos, luchando pa
stroba di bay na paz for di
Antillas.

Ningun politico Antilla-
no ta digno fi su oficio
no por apoya e hendenan
aki di mala fe cu kier des-
hantora nos constitucion.
Tampoco ningun Cristian
di buena fe por apoya e
movimiento aki.

Politiconan y tur hende

Cristian mester medita
bon ariba e materia aki.
Ningun hende di buena fe
por apoya un persona cu
den su locura kier elimina
zomaar un articulo di nos
sagrado constitucion.

Tin asina tanto crimen
ta ser cometi contra liber-
tad di pueblonan rond
mundo. Rusia cu su poder
feroz ta trapa ariba
libertad di nacionnan cu
no por defende nan mes.

Ta di spera cu politico-
nan Antillano lo no come-
te tal crimen contra e Pue-
blo di Aruba.

Den henter historia di
mundo, Pueblonan sa pasa
den hopi sufrimento y per-
secucion. Pero nunca e
abusadornan di poder a
logra paga e candela di
libertad cu tabata cende
den curazon di hendenan.

Aruba tambe ta pasan-
do den temponan dificil,
pero nos lo no cobardea
y entrega nos libertad.

Nos lo sufri y haci sa-
crificio pero e bandera di
libertad nos lo tene semper
bay na halto hisa.
Un Arubiano

CONCURSO DI TUMBA DEDICA NA EDWIN ZICHEM

ORANJESTAD(AAN)—
Den conversacion cu
DIARIO tabata tin cu
Sr. Joy Kock di Asoma
encuanto concurso di
tumba e aña aki, el a du-
na di conoce cu e aña aki
Asoma a tene varios reu-
nion den masha bon am-
biente cu SAC ariba e
concurso, y cu coopera-
cion di tanto SAC, musi-
conan y cantantenan, a
logra na yega na masha
bon entendimento.

Ayera anochi SAC y
Asoma a keda di tene nan
ultimo reunion pa termi-
na algun punto chiquito
cu a keda pendiente pa
discuti ariba.

El a splica na DIARIO
cu e aña aki e concurso di
tumba ta bay dedica na
Sr. Edwin Zichem kende
pa 15 aña a organiza e
concurso aki, cual lo ta
su ultimo ya cu otro aña
lo ta otro persona ta en-
carga cu esaki.

Sr. Edwin Zichem ma-
nera ta conoci tabata un
di e prome tumberonan
di nos isla.

Cantante cu a yega di
canta cu diferente agru-
pacion musical y tin dife-
rente disco na su number
especialmente disonan
78rpm.

Sr. Edwin Zichem ta e
cantante di e inmortal
cancion di carnaval di
Aruba, Esta dushi ta car-
naval" cual tur aña mes-
ter wordo toca na emis-
lanan y cual ta e cancion
cu ta introduci e tempo-
dada di carnaval.

Den e 15 añanan cu a
pasa Sr. Zichem a traha
cu alma y cuerpo pa e
concurso aki, y tambe co-
mo tesorero di Adayma y
SAC y awor lo tuma un
sosiego di e puestonan
pero lo sigui como miem-
bro.

Como aprecio pa su per-

sona, a dicidi pa dedica e
concurso di tumba na su
persona e aña aki, cual ta
un decision cu merece tur
elogio ya cu ta trata aki
di un gran persona, un
gran trahador y incansa-
bel y kende a contribui
masha hopi na progreso
di musica ariba nos isla.



Personanan cu ta traha o habita den vecindario
di e skina Zuidstraat y Wilhelminstraat, a solicita
asistencia di DIARIO pa motibo di un situacion
sumamente a higienico, manera nan a mustra.

Aparentemente e lugar ta ser susha pa cierto
personanan cu asina ta causa un situacion cu ta
fomenta insectonan. E edificacion den vecin-
dario lo ta hayando hopi molestia di cacalaca y
otro insectonan.

E caso a ser poni na atencion di Servicio pa
Higiene pero te ainda intermediacion di e
servicio y hasta di polis no a conduci na resultados.

Y manera informantenan a bisa DIARIO e
situacion ta insoportable.

REINTRUDUCCION DI TRIPLEX MARCA RENOMBRA

BRUYNZEEL na ARUBA

KEN NO CONOCE BRUYNZEEL ?
PA AÑANAN E MIHOR TRIPLEX.

AWOR NOS TA OFRECEBO NA PRIJSNAN DI:

4 mm - Nafis. 16,00

6 mm - Nafis. 18,00

12 mm - Nafis. 35,00

18 mm - Nafis. 47,00

CALIDAD, CALIDAD Y MAS CALIDAD

PROBECHA AWOR

**CORDA E PRIJSNAN AKI TA CASH Y
MIENTRAS CU EXISTENCIA DURA.**

GOMEZ

ITALIESTRAAT 13
Tel: 24711 - 23961 - 27344



ANTRACO SAMSOM

ARUBA N.V.

roept sollicitanten op voor de functie van

*Administratieve Medewerkster Technische Dienst

Onze gedachten gaan uit naar:

- * een gehuwde vrouw van ca. 30 jaar met
- * type diploma en/of type ervaring
- * opleiding HAVO
- * kennis van of ervaring met computers
- * strekt tot aanbeveling
- * prettige omgangsvormen

Gelieve persoonlijk sollicitatie formulier af te halen
op het Secretariaat aan de

L.G. Smith Boulevard 126.